

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

ARABAKO BATZAR NAGUSIAK

21/2019 Foru Araua, abenduaren 11koa, 2020. urterako Batzar Nagusietako aurrekontuari buruzkoa

Arabako Batzar Nagusien Arautegi eta Barne-Gobernurako Batzordeak, 2019ko abenduaren 11ko bileran, araugintza-ahalmen osoz, honako foru araua onartu du:

21/2019 Foru Araua, abenduaren 11koa, 2020. urterako Batzar Nagusietako aurrekontuari buruzkoa.

LEHEN ARTIKULUA.

2020 urtealdirako Batzar Nagusien Diru-sarrerak eta Gastuen Aurrekontua honakoa da:

GASTUAK

1. Pertsonal gastuak: 2.581.633,86
 2. Gastuak ondasun arruntetan eta zerbitzuetan: 1.194.563,42
 4. Transferentzia arruntak: 2.767.186,96
 5. Kreditu globala eta bestelako ustekabeak: 2.610,89
 6. Inbertsio errealak: 24.000,00
 8. Aktibo finantzarioak: 13.100,00
- GUZTIRA: 6.583.095,13

DIRU-SARRERAK

3. Tasak eta bestelako diru sarrerak: 5.000
 4. Transferentzia arruntak: 6.390.500,00
 5. Ondareagatik diru-sarrerak: 0
 8. Aktibo finantzarioak: 187.595,13
- GUZTIRA: 6.583.095,13

BIGARREN ARTIKULUA.

1. Transferentzia arruntak bi epetan sartuko ditu Arabako Foru Aldundiak: bata urtarrilean eta bestea uztailean.

2. Arabako Lurralde Historikoaren Aurrekontuak gauzatzeko Foru Arauaren arabera, Foru Aldundiak Batzar Nagusiei egingo dien transferentzia "Erakundeekiko Konpromiso" moduan hartuko da, eta hala izanik, kreditu mota horien ezaugarriak izango ditu, eta nolana ere, Arabako Lurralde Historikoaren urteroko Aurrekontuetan gehitzeko moduan jasoko da.

HIRUGARREN ARTIKULUA.

Batzarkide-taldeentzako –horien taldekideen kopuruaren arabera– eta aholkularitza teknikoarentzako kopuruaren zenbatekoak honakoak izango dira:

Talde bakoitzarentzako kopuru finkoa: 2.815,34 euro hileko.

Taldekide kopuruaren araberako kopurua 1.703,24 euro hileko eserlekuko.

Taldeei laguntza teknikoa emateko honako kontzeptu hauek ezarri dira:

A) Mahaikideei laguntza teknikoa emateko kopurua: 81.590,62 euro urtean. Mahaian ordezkariaren bat duten batzarkide-taldeek, lehendakariorde edo idazkari gisa, diru-kopuru hori jasoko dute bakoitzarentzat.

B1) Batzar Nagusietan lehenasunez jarduten duten batzarkideentzako laguntza teknikoa eta batzarkide-taldeentzako laguntza teknikoa. Urteko 56.365,20 euroko ordainsari bat ezarri da, honako irizpide hauen arabera:

- Talde Mistoak kide bat edo bi izanez gero: Ordainsari bat.
- Hirutik hamar kidera arteko Taldeek: kide-kopurua 0,75gatik biderkatzearen ondoriozko emaitzaren beste ordainsari; biribilduko da, betiere, ordainsari erdiagatik.
- Hamar kidetik gorako taldeek: aurrekoaz gain, ordainsari bat gehiago bi eserlekuko, hamarretik aurrera.

B2) Batzarkide-taldeak bozeramaile izendatzen duen batzarkideak Batzar Nagusietan egin ahalko du lan soilik; kasu horretan, aurreko ataleko ordainsarien arteko bat handituko da, A) atalean adierazitako kopurura heldu arte.

Talde ezeinek ez du jasoko dagokion batzarkide-kopurua baino ordainsari tekniko gehiago (A, B1, B2). Halaber, batzarkide-talde batek aukeratzen badu bere bozeramaileak berariazko jarduera beteko duela, B1) ataleko kopuru osoa, edo eserlekuaren eta taldekideen kopuruaren arabera kopuruak murriztu egingo dira, lehenasunezko dedikazioaren eta dedikazio berariazkoaren arteko aldea osatu arte.

Funts horiek hileroko ordainduko dira, batzarkide taldeen beste ordainsariekin batera.

Batzarkide-taldeek nahi duten bezala erabiliko dituzte kopuruok beraien aholkularitza eta laguntza teknikorako programetan. Hortaz, A) eta B1) ataletan adierazitakoak banaka esleitu ahal dizkiete batzarkide jakin batzuei edo Mahaiko ordezkariari; eta B1) atalean aipatutakoen artean bi aholkulari moduan askatasunez izendatu duten pertsona bati esleitu ahal dizkiote.

Edozein modutan, Ganberak ordainduko ditu zuzenean ordainsari horiek goi kargudunen edo aholkularien ordainsari gisa, eta Arabako Batzar Nagusien aurrekontuen kontura izango dira kostu osagarriak eta dagozkion legezko kostuak, aukeratu denaren egoera pertsonalaren arabera.

Mahaia arduratuko da Ganberaren bileretara bertaratzeko eta joan-etorrietarako hartukizunak, ordainsari horiek jasotzeko aukeratutako batzarkideei dagozkienak, egokitzeaz, kontuan izanik horien zenbatekoak eta Taldeen arabera egotzitako jarduera.

LAUGARREN ARTIKULUA.

Batzar Nagusietako langile-zerrenda honela geratuko da:

- Goi tituludun bat. Legelari Nagusia. A1 Maila. (Idazkaritza Nagusiaren burua).
- Goi tituludun bat. Legelaria. A1 Maila.
- Goi tituludun bat. Itzultzaile-interpretea. A1 Maila.
- Bi Kudeaketa-teknikari. A2 Maila.
- Sei administrari. C1 Maila.
- Bi atezain/gidari. C2 Maila.

Ganbararen Mahaia dagokion Lanpostuen Zerrenda onetsiko du dagozkion eskuduntzen arabera eta Araudiaren 44.1.1. artikuluekin bat etorritik.

BOSGARREN ARTIKULUA.

Euskal Funtzio Publikoari buruzko Legearen 96. artikuluan aipatzen diren aldi baterako lanpostuak honakoak dira:

- Batzarkide-taldeei atxikitutako administrari laguntzaile lanpostuak (bat batzarkide-taldeko).
- Batzarkide-talde bakoitzeko aholkulari lanpostu bat edo bi, izendatuta izango direnean.
- Batzar Nagusietako Lehendakaritzaren idazkaritzan lanpostu bat.
- Batzar Nagusietako protokolo eta komunikazio aholkulari lanpostu bat, Lehendakaritzari atxikia.

Haien ordainsariak ezarriko dira Mahaiak onesten duen lanpostuen-zerrendan.

SEIGARREN ARTIKULUA.

Arabako Batzar Nagusietako funtzionario eta aldi baterako langileen 2020rako ordainsari osoak handitu egingo dira 2019ko abenduaren 31n indarrean diren tarifen aldean, Arabako Batzar Nagusietako Mahaiak ezartzen duen portzentajea, horretarako baimena emango baitzaio Mahaiari; handitze hori, gehienez ere, Estatuko oinarriko legedian ezarritakoa izango da, salbu eta hurrengo atalean xedatzen dena.

2. Aurreko paragrafoan xedatutakoak ez die kalterik egingo Arabako Foru Aldundiak eskumen maila berberetarako ezartzen dituen egokitzapenei, edo ordain osagarrietan egin beharreko egokitzapenei, baita lanpostuen edukiaren eta balorazioaren edo indarreko legeriaren aplikazioaren arabera ezinbestekotzat jotzen diren egokitzapenen ondoriozko aurrekontu kredituetan egin daitezkeen egokitzapenei ere.

ZAZPIGARREN ARTIKULUA.

Batzar Nagusietako Mahaiak beharrezko neurriak hartuko ditu Ganbarako langileen hizkuntza-normalizaziorako planak bete daitezen.

ZORTZIGARREN ARTIKULUA.

Aurrekontua gauzatzeko asmotan, honako arauak jarriko dira:

- a) I. Kapituluak berez zabaldu daitekeenez, artikulua, kontzeptu, partida eta azpi-partida guztiak Kapitulu mailan lotzen dira.
- b) II. Kapituluaren lotura artikulua mailan egingo da.
- c) IV., VI. Eta VIII. Kapituluaren lotura artikulua mailan egingo da.

BEDERATZIGARREN ARTIKULUA.

1. Mahaia da aurrekontuaren gastuak baimentzeko eta erabiltzeko eskumena duen organoa, eta ekitaldian zehar beharrezkoak diren kredituak eman, transferitu, eta aldatu ditzake, eta aurrekontu kudeaketaren funtzio horiek egintza berean egin ditzake; era berean, batzarkideentzako konpentsazio ekonomikoak finkatzeko eskumena ere badu, Ganbararen Araudiaren 21. artikuluan ezarritakoaren arabera.

2. Aldizkako edo errepikatzen diren gastuetarako baimena kreditua konprometitzeko kasuetan beharko da soilik; beraz, Mahaiak esku-hartzea ez da beharrezkoa hurrengo epemugetan, eta horien ordainketa zuzenean egingo da.

LEHEN XEDAPEN GEHIGARRIA

2020. urtean aurreikusitako hautaketa-prozesuen ondoriozko gastuei aurre egiteko, tasa batzuk ezarri dira Arabako Batzar Nagusietako langileak hautatzeko deialdietan izena emateko, honako tarifa hauen arabera:

TALDEAK	TARIFA
A1-A2	20,00
C1-C2	15,00

BIGARREN XEDAPEN GEHIGARRIA

Mahaiari ahalmena ematen zaio eguneratu ahal izan ditzan Foru Arau honen hirugarren artikuluan adierazten diren zenbatekoak, 2020. urtean funtzionarioen ordainsarietan izango diren aldaketen arabera.

Vitoria-Gasteiz, 2019ko abenduaren 11

Presidentea

PEDRO IGNACIO ELÓSEGUI GONZÁLEZ DE GAMARRA